

第六冊

客方言上

興寧先賢叢書

興寧先賢叢書

袁五松敬署

中華民國六十二年七月初版

興寧先賢叢書 第六冊

每冊定價港幣十圓

出版者：興寧先賢叢書校印處

總經售：中國學社

香港麥當奴道二十二號二樓轉

承印者：香港書業公司

刊印興寧先賢叢書引

興寧自有宋羅學士孟郊以文節為天下倡與贛人胡銓等詆秦檜議和率太學生陳東等數千百人請願拒敵一時才俊咸發興奮咸思報國孟郊又久從楊時龜山遊以源洛之緒自任邑人化之寢有以志節與理學顯者至明而王御史天與遂以醇儒佐王文成公守仁與平贛南及宸濠之役著平寇錄見志卒以身殉而張天賦汝德受業湛若水甘泉之門以理趣為學問之本尤以淵醇虛白英秀朗察為祝允明枝山所推重由是吾邑有名節與性理之學當有宋盛時江右學者盛倡詩古文辭覃研極造激盪潮流興寧界閩贛之交學子慕效不歇而陳宣教南一為文尤雅健

不羣。迄明及清，遂有何南鳳、詠堂、石咏、竹道野、曾榮、科玉峯、石娥、
嘯鐵、齊陳銓、次臣、何映、柳麟山、羅學旦、魯亭、羅清、英松亭、孫恆亨、
西肱、劉啟英、迪齋、王嶸、曉園、吳熙乾、自園、李方榮、顯齋、傅兆麟、榆
根、陳其孫、魯塘等，並以文學為時所重。憂憂獨造，不懈而及於古。
由是吾邑有詩古文辭之學。自明季秦而耶穌會士，以天文新法，
傳授中土。吾邑羅慶輝於康熙之際，漫遊河朔，遇異人傳授天文
星象、六壬、吉凶之術，復入欽天監，究心曆算，窮極微隱，以秦西新
法合中土方術，歸里為通書年曆，奉旨頒行全國。號羅氏通書，族
內子孫，歷世立三數人，繚傳天曆推算。由是吾邑有天文曆法之
學。而經學、史學，與夫音韻、訓詁之學，亦代有通人傳授，不絕遞演。

至於光緒之世。尤學者輩出。言文學則胡曦曉岑。言數學則饒寶書簡香。言經學則羅獻修。言小學則羅翹雲。諳其言文學則羅師楊。幼一而胡先生尤精力過人。又最為老師。有羣峰共仰之概。胡先生少遊邑儒陳炳章。燦林之門。傳授經史。與詩古文辭。更與嘉應黃遵憲公度。鎮平先輩鍾孟鴻。遇賓友善。公度善以新詞入詩。胡先生相與揚榷其學。而一主於曲達詩義之微。與學術志節相表裡。自以吾粵人也。闡揚先業。敘述風土。不敢以讓人。窮居著述。積數十年。成興寧圖志考。粉榆碎事。湛此心齋。詩文集。梅水滙靈集等三十餘種。大要以推源治本。昌明絕學。憲章名節。宏揚風雅為依歸。蓋自是而吾邑歷世相守之學。盡傳於時焉。同人等

生長斯鄉，景仰情切。茲擬悉心蒐訪，刊為興寧先賢叢書。所願邦人君子，四海知交，協助印資，勸斯盛舉。則先賢志業，得所闡發，而學術文化，維繫不墮，豈惟桑梓之幸，抑亦民族之光也。是為引。

發起人袁五松王蔭平羅香林敬啟

興寧先賢叢書輯錄略例

一、興寧處粵之東隅，去閩贛殊近，其素習兼具粵贛閩之長，明耻尚義，隆禮守法，而賢能之士，每孕育其間。惟土地蒸濕，木魚易蓄，是以歷代賢士，雖有述作，而時序稍更，輒多殘蝕。茲就蒐羅所及，略加理董，其有原稿尚存，或有原刻本者，則以原稿或原刻影印，其無原稿，或原刻已殘缺者，則以舊藏鈔本，或新所輯佚，比次影印。大要以整理先後為序，俟全書印成，當別為分類目錄也。

一、自來輯印鄉邦文籍，原以景仰前賢為旨。敬恭桑梓，發潛闡幽，取材例自稍寬，與作者自印有殊。本叢書所輯先賢遺著，每帙

必為撰作序跋，以誌緣起，或為輯錄其人碑傳，繫於卷端，其有
僅得零篇，未能成帙，而詞義高卓，可為世法者，則擬編入興寧
文徵，此不悉載焉。

一本叢書蒐集於亂離之世，百端護持，備歷艱苦，今幸承熱心俊
彥協助鉅貲，克為印行，緬維高風，實深感佩。爰於每冊附頁表
列協助芳名，藉為紀念云爾。

民國四十七年四月十五日羅香林識於香港

客
方
言

鄒魯署檢



民國六十二年七月興寧先
賢叢書校印家據國立中
山大學國學院叢書本景印

羅藹其先生傳

先生諱翹雲字藹其興寧徑心墟新坳背人父英白為邑名孝廉先生於清同治七年戊辰生自幼穎異幼學年逾弱冠即舉於鄉後入京授內閣中書所擬館閣體文典重高華朋輩稱大手筆焉民國四年自京返里於新坳背鄰祖祠築邀夫山房聚徒講學遠近從遊者歲數十人如梅縣古公愚直興寧羅鴻詔康祿等其著者也時邑令王介盦號方議續修興寧縣志禮聘先生主持志局先生首為釐定採訪條例悉力徵集而尤著重輿地戶口與方言之調查及人物藝文與史蹟之實錄惜以時局驟更未及成書志局頓停先生乃先撰客方言十二卷謂粵東客籍由來舊矣稽諸

往牒元和郡縣志載程鄉戶口無主客之分。惟太平寰宇記元豐
九域志皆分主客。是主客之名當起於宋。自宋迄今。縣歷千載。已
成無客非主。而我輩曷為仍以客稱。則以客之所能同化者。戶籍
也。而其不能同化者。禮俗也。語言也。客語多周秦以後隋唐以前
之古音。而時至今日。乃與中原今音有不盡合者。則殆由雙聲遷
轉之故。推尋故言。理其經脉。固士夫之責也。先生隨舉古音有舌
頭無舌上。古音多讀輕唇為重唇。皆與客語相同等七證。以闡述
客屬上世由中原而展轉遷居贛閩粵等地之關係。而其闡釋客
屬方言。則分釋詞。釋言。釋親屬。釋形體。釋宮室。釋飲食。釋服用。釋
天釋地。釋草木。釋蟲魚。釋鳥獸等。凡十二類。餘杭章太炎先生炳

麟特為之序。蓋自是而客語乃大明焉。民國十六年，以值地方多故，先生乃出赴廣州，應國立中山大學聘，充文學教授，講授語言文字訓詁諸學，為學子所特愛戴。後又數年，校長鄒海濱先生魯時以先生客方言編為大學國學院叢書第一種，為之刊行。時余方任校長室秘書，兼廣東通志館纂修，得先研讀為快。惟適值先生已返居興寧，余無緣恭謁請益，良以為憾。先生卒於民國三十一年壬午，年七十有四。子菊堂、碧堂、芷堂、薇堂、芬堂。菊堂字訪陶，亦以能文稱。先生識高學博，尤擅為辭章。所著書客方言外，有爾雅注、京音準、及遯夫山房詩文集等。惜遭世離亂，多未刊行。今為此傳，誠不勝其感喟也。民國六十二年六月二十四日，後學羅香

林敬撰於香港海日樓

客方言總目

釋詞第一

釋言第二上

釋言第二下

釋親屬第三

釋形體第四

釋宮室第五

釋飲食第六

釋服用第七

釋天第八

釋地第九

釋草木第十

釋蟲魚第十一

釋鳥獸第十二